

Kev Nyob Kom Muaj Kev Nyab Xeeb thiab Noj Qab Haus Huv hauv Wisconsin Cov Pas Dej Teev

Yam Uas Koj Yuav Tsum Tau Paub hais txog Ntxhuab Nplaim Dej Xim Xiav-Ntsuab

(Staying Safe and Healthy in Wisconsin's Lakes What You Need to Know about Blue-Green Algae)


Muaj cov paj dej teev ntau tshaj 15,000 lub, Wisconsin thiaj li yog ib qhov chaw neeg uas nyiam tuaj tshaj plaws rau kev ua si lom zem hauv lub caij ntuj sov. Kawm paub txog yam uas koj yuav ua tau txhawm rau los pab kom koj li kev tuaj ncig ua si muaj kev nyab xeeb thiab noj qab haus huv los ntawm kev pov thaiv koj tus kheej thiab koj tsev neeg los ntawm cov kev cuam tshuam ntawm cov ntxhuabdej xim xiav-ntsuab uas muaj kev phom sij.

Ntxhuab dej xim xiav-ntsuab yog dab tsi?

- Ntxhuab dej xim xiav-ntsuab yog kab mob npev taws lias kev hloov pauv los ntawm duab tshav ntuj uas hu ua kab mob *xias av naum npev taws lias* thiab yog ib feem ntawm tus niam dej.
- Yog muaj duab hnuv ci thiab khoom noj txaus lawm, kab mob xias av naum npev taws lias yuav loj hlob mus rau theem siab thiab *tsim tau* cov ntxhuab dej xim xiav-ntsuab.
- Feem ntau cov paj tawg yuav muaj ntxhiab tsw, zoo li cov kob xim txeer los sis kua taum mog, thiab tuaj yeem hloov pauv cov xim ntawm cov dej mus ua xim ntsuab, xiav, xim xiav tshiab, xim liab doog, xim liab tseb li nplaim taws, los sis xim dawb. Qee cov paj tsim ua ib txheer hau khwb los sis daim ntaub npog cov nplaim dej.
- Tab sis qee cov paj tuaj yeem nyob rau tib qhov chaw qub mus lawm ntev, lwm cov ho tuaj yeem tshwm sim thiab ploj mus nrog cov nthwv dej ntwv uas muaj kev hloov pauv thiab cov hau kev cua tshuab. Feem ntau cov paj tsim muaj hauv cov hli lub caij ntuj sov hauv Wisconsin, los sis Lub Tsib Hlis Ntuj–Lub Cuaj Hlis Ntuj.
- **Cov paj ntxhuab dej xim xiav-ntsuab tuaj yeem tsim tau cov kuab lom uas tuaj yeem ua rau tib neeg thiab tsiaj muaj mob tau tom qab lawv nqos, ua pa nkag mus rau lub cev, los sis chvv raug cov dej.**

Kuv yuav pab kom kuv tus kheej, kuv tsev neeg, thiab kuv cov tsiaj nyeg muaj kev nyab xeeb nyob rau ntawm lub pas dej teev tau li cas?


- Thaum nrhiav ib qhov chaw yuav mus ua luam dej, tsim nyog xaiv cov dej uas ntshiab tshaj plaws li yus yuav nrhiav tau. Zam kom dhau cov dej uas:



Saib zoo li yog cov kob pleev tsev latex paint txeer




Saib zoo li yog cov kua taum ntsuab



Muaj xim hloov pauv mus los sis ua ib kab tej



Muaj cov teev xim ntsuab me aiv ntab ntawm cov dej



Muaj cov npog ntab, cov thoog kheej-kheej, los sis cov ntaub npog nplaim dej



Muaj cov ntsees los sis lwm cov tsiaj tuag

- Yuav tsum da dej yang ib ce tom qab ua luam dej hauv cov pas dej teev, cov niam dej, thiab cov pas dej tas li.
- Yog tias cov dev ua luam dej hauv cov dej qias neeg, muab dej ntshiab, huv si los yang kom lawv huv si thiab tsis txhob cia lawv yaim cov ntxhuab nplaim dej tawm ntawm lawv cov plaub.
- Tsis txhob ua luam dej los sis cia koj cov tsiaj nyeg ua luam dej hauv cov chaw uas kaw tsis qhib lub tiaj suab puam ntug hiav txwv los sis tau tshaj tawm txog daim ntawv ceeb toom qhia txog qhov zoo tsim nyog ntawm cov dej.
- Tsis txhob nqos cov dej kiag li. Dhau li ntawm cov ntxhuab dej xim xiav-ntsuab lawm, cov dej nyob hauv lub pas dej teev, tus niam dej, thiab pas dej yuav muaj tau lwm hom kab mob npev taws lias (bacteria) thiab kab mob cua nab uas yuav ua rau koj muaj mob tau yog tias koj nqos mus. Siv cov dej uas muaj kev nyab xeeb cia ua dej haus tas li!



Kuv yuav qhia tau li cas yog tias yam uas kuv pom yog cov ntxhuab dej xim xiav-ntsuab, los sis ho yog lwm yam lawm?

Cov paj ntxhuab uas muaj tsos zoo sib xws li ntawd! Cov zwj ceeb no tsis tsim muaj cov kuab lom thiab TSIS muaj kev phom sij:



Cov ntxhuab dej tiag (ntxhiab dej xim ntsuab)



Cov poov paj nroj tsuag uas muaj xim daj




Cov nroj tsuag hauv dej me aiv (paj teeb deg)

Yog xav txiav txim siab seb yam uas koj tab tom pom puas yog cov ntxhuab dej tiag los sis ntxhuab dej xim xiav-ntsuab, koj tuaj yeem ua kev sim uas siv lub hwj iav los sis siv tus pas ntsuas. Nco ntsoov looj lub hnav looj tes los sis cov hnav looj tes yas rau kev pov thav!

Kev Sim Uas Siv Lub Hwj Iav

- Thaum looj lub hnav looj tes lawm, siv lub hwj iav los sau cov qauv kom qis zog nplaim dej (tsis txhob sau kiag cov txheej saum toj ntawm cov npog saum toj xwb).
- Ntim lub hwj iav kom puv li ntawm peb feem-plaub xwb (tseg kom muaj chaw seem nyob saum toj kawg cia rau thaum muaj kev tsim cov pa nkev). So ib cov qias neeg twg uas lo rau sab nraud ntawm lub hwj iav tawm thiab muab lub hau kaw rau. Muab nws co.
- Muab lub hwj iav tso rau ib qhov chaw uas yuav tsis muaj leej twg mus kov cov khoom ntawd li ntawm 2-3 teev.
- Tom qab 2 los sis 3 teev lawm, soj ntsuam saib lub hwj iav seb cov ntxhuab deg mus tog rau qhov twg. Cov ntxhuab dej uas tog mus rau hauv qab hwj muaj feem xyuam yuav yog cov ntxhuab dej tiag, thiab cov ntxhuab uas tsim tau ib lub voj xim ntsuab tseb nyob saum toj kawg ntawm cov dej muaj feem xyuam yuav yog cov ntxhuab dej xim xiav-ntsuab (kab mob xias av naum npev taws lias).



Tab sis cov kab mob xias av naum npev taws lias ho ntab, cov ntxhuab deg tiag ho tog.

Kev Sim Uas Siv Tus Pas

- Yuav tsum looj hnav looj tes rau, muab ib tug pas ntev, khov kho ntsaws nkag mus rau ntawm cov nplaim ntawm cov khoom uas muaj cov ntxhuab nplaim dej thiab maj mam nqa tawm ntawm cov dej los.
- Yog tias tus pas tawm los es saib zoo li nws raug muab raus mus rau hauv lub taub xim pleev tsev, cov khoom muaj tsos zoo li yog cov ntxhuab nplaim dej xim xiav-ntsuab. Yog tias nws tawm los nrog cov xov los sis xov xaws khaub ncaws ntev, xim ntsuab, zoo li plaub hau, tej zaum cov khoom yuav yog cov ntxhuab deg tiag (cov ntxhuab xim ntsuab uas ua xov ntev).
- Txawm tias cov kev sib tsub sib nias ntawm cov ntxhuab dej xim ntsuab ua zoo li cov xov no yuav ua rau muaj qhov tsis xis nyob hauv lub pas dej teev, tab sis lawv tsis muaj kev phom sij rau kev noj qab haus huv.



Cov ntxhuab deg xim ntsuab tsis muaj kev phom sij.

**Cov kev sim no tuaj yeem yuav pab tau koj txiav txim siab tau yog tias koj muaj theem xim xiav-ntsuab ntau heev hauv koj lub pas dej teev, tab sis lawv yuav tsis qhia rau koj seb puas yog cov ntxhuab deg xim xiav-ntsuab yeej yuav tsim tau cov kuab lom tiag los tsis yog. Thaum tsis paub tseeb, nws zoo tshaj plaws uas tsis txhob mus kov kiag!*

Kuv yuav tshaj qhia txog cov paj ntxhuab uas kuv pom hauv Wisconsin tau li cas?

Xa email mus rau Wisconsin Department of Natural Resources (Lub Tuam Tsev Hauj Lwm ntsig txog Cov Peev Txheej Hav Zoov Hav Tsuag) ntawm DNRHABS@wisconsin.gov los tshaj qhia txog paj ntxhuab thiab nug cov nqe lus nug hais txog cov paj ntxhuab thiab cov qauv ntaus tswv yim txog kev txo qis cov paj ntxhuab. Cov lus piav qhia txog qhov loj me ntawm cov paj ntxhuab, ncu a sij hawm, thiab qhov chaw uas muaj lub npe ntawm lub pas dej teev, lub npe ntawm lub nroog, thiab lub npe ntawm cheeb tsam nroog. Muab cov duab uas yees tau ze thiab deb rau ua ke.

Yuav ua li cas yog tias ib tug neeg twg nkag mus rau hauv cov dej uas muaj cov paj ntxhuab?

- Lawv tsim nyog mus da dej yaug ib ce nrog cov dej ntshiab, huv si kiag tam sim ntawd.
- Soj qab xyuas cov cim uas tshwm sim kiag tam sim ntawd ntawm kev mob nkeeg uas cuam tshuam txog ntxhuab nplaim dej xim xiav-ntsuab, xws li:

| | | | |
|-------------|---------------|--------------------|-------------|
| ◆ Kev ntuav | ◆ Raws plab | ◆ Mob taub hau | ◆ Mob plab |
| ◆ Hnoos | ◆ Mob caj pas | ◆ Khaus tawv nqaij | ◆ Sawv hlww |
- Mus nrhiav kev kho mob yog tias cov tsos mob tshwm sim los sis hu rau Wisconsin Lub Chaw Muab Kev Pab Cuam Hais Txog Kuab Tshuaj Lom tau ntawm 800-222-1222 kom tau lus pab tswv yim. Yog tias cov tsiaj nyeg pib muaj mob kiag tam sim ntawd nrog cov cim ntawm kev raug kuab lom, coj lawv tuaj rau tus kws kho tsiaj kiag tam sim ntawd.
- Tshaj qhia txog cov kev mob nkeeg uas cuam tshuam txog cov ntxhuab nplaim dej uas muaj xim xiav-ntsuab mus rau koj lub tuam tsev hauj lwm ntsig txog kev noj qab haus huv hauv zej zos uas nyob ze rau ntawm koj.